

十誦律

古籍才四十六

三百六
以六

49890



十誦律卷第四十六

姚秦三藏弗若多羅共三藏鳩摩羅什譯

第七誦之五

佛在俱舍彌國介時迦留羅提舍比丘命終
有姉妹比丘尼七人名偷羅難陀尼周那難
陀尼提舍尼優波提舍尼提舍城多尼提舍

婆羅那尼提舍义多尼是諸比丘尼有大勢
力集薪木材燒是比丘身收骨起塔介時有
一比丘名迦陀從和耆國遊行向維耶離道
中見是塔問是誰塔答迦留羅提舍比丘塔
又言此凡夫何用起塔即壞是塔敷繩床坐
上偷羅難陀尼聞迦陀比丘破其兄塔敷床



坐上聞已瞋恚語諸妹言各持鍼線來縫是
比丘著床是僧房近道時憂波離過聞如是
事即往語是比丘言汝在此中坐者諸比丘
尼正尔當來縫汝著床荅言若縫我著床者我
從此裊身得脫優波離言汝雖脫裊身諸比
丘尼當得大罪是比丘即入禪定今身不現
憂波離即出去諸比丘尼入共相謂言是比
丘在不即看不見手摸繩床看猶覺有暖作
是言必是本剃毛人憂波離教使走去是中
有比丘尼少欲知足行頭陀聞是事心不喜
種種因緣呵責言云何名比丘尼有比丘住
處外門不問便入種種因緣呵已向佛廣說

佛以是事集二部僧知而故問偷蘭難陁比丘尼汝實作是事不荅言實作世尊佛以種種因緣呵責云何名比丘尼有比丘住處外門不問便入種種因緣呵已語諸比丘以十利故與比丘尼結戒從今是戒應如是說若比丘尼有比丘住處外門不問便入波逸提波逸提者燒煮覆障若不悔過能障礙道是中犯者若比丘尼有比丘住處外門不問便入波逸提隨不問入隨得波逸提

百五十三事竟

佛在舍衛國余時佛不在比丘尼僧前結同戒在比丘僧前結同戒已語諸比丘汝等向比丘尼僧說佛即入房坐禪諸比丘共相謂

言佛結同戒教我等向比丘尼僧說誰能爲
諸比丘尼僧說又念長老跋提比丘有福德
威力名聞流布是長老跋提比丘能往詣王
園精舍爲比丘尼僧說同戒諸比丘即往是
比丘所言佛爲我等結同戒語我等言汝等
向比丘尼僧說即入房坐禪我等作是思惟
誰能爲比丘尼僧說同戒又作是念長老跋
提比丘有福德威力名聞流布必能爲說汝
能爲王園精舍比丘尼僧說同戒不長老跋
提默然受之諸比丘即頭面禮跋提足右遶
而去是夜過已跋提比丘著衣持鉢共後行
比丘入舍衛城乞食食後到王園比丘尼精

舍諸比丘尼遙見長老跋提比丘來即起與
敷床榻坐處有辦水者有辦草者跋提到已
洗脚就座坐已令集比丘尼僧集已語言諸
善女佛結同戒我及汝等應共受持是中有
長老善好比比丘尼皆言善好偷蘭難陁比丘
尼啗嗑不受是中有比丘尼少欲知足行頭
陁聞是事心不喜種種因緣呵責云何名比
丘尼啗嗑向比丘種種因緣呵已向佛廣說
佛以是事集二部僧知而故問是比丘尼汝
實作是事不荅言實作世尊佛以種種因緣
呵責言云何名比丘尼啗嗑向比丘種種因
緣呵已語諸比丘以十利故與比丘尼結戒

從今是戒應如是說若比丘尼暗嗔向比丘
波逸提波逸提者燒煮覆障若不悔過能障
礙道是中犯者若比丘尼暗嗔向比丘波逸
提隨暗嗔向比丘隨得波逸提

百五十
四事竟

佛在舍衛國介時迦羅比丘尼本是外道喜
鬪諍瞋恚共諸比丘尼鬪諍惡口恐他作是
言某王是我相識是我檀越某大臣鬪將居
士是我相識檀越當用是力治汝諸比丘尼
恐怖是中有比丘尼少欲知足行頭陀聞是
事心不喜種種因緣呵責言云何名比丘尼
共他鬪諍惡口恐他作是言某王是我相識
是我檀越某大臣鬪將居士是我相識檀越

當用是力治汝令諸比丘尼恐怖種種因緣
呵已向佛廣說佛以是事集二部僧知而故
問汝實作是事不荅言實作世尊佛以種種
因緣呵責云何名比丘尼共他鬪諍惡口恐
他作是言某王與我相識是我檀越某大臣
鬪將居士與我相識檀越當用是力治汝今
諸比丘尼恐怖種種因緣呵已語諸比丘以
十利故與比丘尼結戒從今是戒應如是說
若比丘尼共比丘尼鬪諍惡口恐怖他波逸
提波逸提者燒煮覆障若不悔過能障礙道
是中犯者若比丘尼共比丘尼鬪諍惡口恐
怖他言某王是我知識當以王力治汝波逸

提大臣力鬪將力居士力治汝皆波逸提隨
作是語隨得波逸提

百五十五事竟

佛在舍衛國。尔時偷蘭難陀比丘尼喜入出
他家早起行詣諸家中庭立大門中立廚下
立是中。若有沙門婆羅門來為乞食故來偷
蘭難陀比丘尼語言。食未辦。若言主人不在。

如是從家至家遮諸乞食人。諸乞食人不得
食故呵責言。是不吉。弊女慳惜他家故。令我
等不得食。是中有比丘尼少欲知足。行頭陀
聞是事。心不喜。向佛廣說。佛以是事集二部
僧知而故問偷蘭難陀比丘尼。汝實作是事
不。荅言。實作。世尊。佛以種種因緣呵責言云。

何名比丘尼護惜他家種種因緣呵已語諸
比丘以十利故與比丘尼結戒從今是戒應
如是說若比丘尼護惜他家波逸提波逸提
者燒者煮覆障若不悔過能障礙道是中犯者
比丘尼護惜白衣家波逸提隨護惜隨得波
逸提

百五十
六事竟

佛在迦維羅衛國。爾時摩訶南釋請佛及二
部僧。明日食佛默然受。知佛默然受已。頭面
禮足。右遶而去。還家通夜辦種種多美飯食。
早起敷坐處。遣使白佛。時到食具已辦。唯聖
知時。佛與二部僧入已。皆坐。知佛坐已。自手
行水。自與種種多美飲食。自恣滿足。爾時助

調達比丘尼滿鉢中飯以羹澆上在前不噉
四向願視摩訶南釋作是念我當遍看誰少
誰不少誰食誰不食見助調達比丘尼滿鉢
羹飯在前不食語言善女何故不食答言我
先已食何故取飯答言汝便持去摩訶南釋
善好不嫌諸居士隨摩訶南釋者作是言摩
訶南釋供給衆僧如事大家諸比丘尼現前
呵辱佛遙見比丘尼所作聞諸居士呵責食
後到僧坊中集二部僧種種因緣呵責助調
達比丘尼摩訶南釋供給衆僧如事大家云
何現前毀辱種種呵已語諸比丘從今聽諸
比丘尼數數食何以故女人喜數數食故以

十利故與比丘尼結戒從今是戒應如是說
若比丘尼受請都不食者波逸提波逸提者
燒煮覆障若不悔過能障礙道是中犯者若
比丘尼受請乃至不食一口波逸提隨受請
不食隨得波逸提

七百五十七事竟

佛在釋氏國是中有比丘尼名結髮作法師
善能說法見一年少比丘無深智慧即問難
阿毘曇事是比丘不能隨順問答是比丘尼
出自貢高語諸比丘尼言我今問一比丘阿
毘曇事不能隨順答我是中有比丘尼少欲
知足行頭陀聞是事心不喜種種因緣呵責
云何名比丘尼比丘不聽問經律阿毘曇事

種種因緣呵已向佛廣說佛以是事集二部
僧知而故問結後比丘尼汝實作是事不答
言實作世尊佛以種種因緣呵責云何名比
丘尼比丘不聽問經律阿毗曇事種種因緣
呵已語諸比丘以十利故與比丘尼結戒從
今是戒應如是說若比丘尼比丘不聽問經
律阿毗曇事便問波逸提波逸提者燒者覆
障若不悔過能障礙道是中犯者若比丘尼
比丘不聽問難經律阿毗曇中事若以偈問
偈偈波逸提若以章問章章波逸提若別句
問句句波逸提百五十
八事竟
佛在王舍城介時助調達比丘尼躰形露地

洗浴諸居士見不喜呵責言諸比丘尼自言
善好有功德裸形露地洗浴如婬女是中有
比丘尼少欲知足行頭陀聞是事心不喜向
佛廣說佛以是事集二部僧知而故問助調
達比丘尼汝實作是事不荅言實作世尊佛
以種種因緣呵責云何名比丘尼裸形露地

洗浴種種因緣呵已語諸比丘以十利故與
比丘尼結戒從今是戒應如是說若比丘尼
裸形露地洗浴波夜提波夜提者燒煮覆障
若不悔過能障礙道是中犯者若比丘尼裸
形露地洗浴波逸提隨裸形露地洗浴隨得
波夜提

佛在王舍城尔時助調達比丘尼著白衣嚴
身具諸居士呵責言諸比丘尼自言善好有
德著白衣嚴身具如王夫人大臣婦是中有
比丘尼少欲知足行頭陀聞是事心不喜向
佛廣說佛以是事集二部僧知而故問助調
達比丘尼汝實作是事不荅言實作世尊佛
以種種因緣呵責云何名比丘尼著白衣嚴
身具種種因緣呵已語諸比丘以利故與
比丘尼結戒從今是戒應如是說若比丘尼
著白衣嚴身具波逸提波逸提者燒煮覆障
若不悔過能障礙道是中犯者若比丘尼著
白衣嚴身具波逸提隨者隨得波逸提

佛在王舍城。尔時助調達比丘尼。故往觀聽
歌舞伎樂。看莊嚴伎兒。諸居士呵責言。諸比
丘尼。自言善好。有功德。故往觀聽歌舞伎樂。
莊嚴伎兒。如王夫人。大臣婦。是中有比丘尼。
少欲知足。行頭陀。聞是事。心不喜。向佛廣說。
佛以是事。集二部僧。知而故問。是比丘尼。汝
實作是事。不荅言。實作。世尊。佛以種種因緣。
呵責云。何名比丘尼。故往觀聽歌舞伎樂。莊
嚴伎兒。種種因緣。呵已語。諸比丘。以十利。故
與比丘尼。結戒。從今是戒。應如是說。若比丘
尼。故往觀聽歌舞伎樂。莊嚴伎兒。波逸提。波
逸提者。燒煮覆障。若不悔。過能障礙。道是中。

犯者若比丘尼故往觀聽歌舞伎樂莊嚴伎
見得見者波逸提不得見者突吉羅若從下
至高得見波逸提不得見突吉羅若從高至
下得見波逸提不得見突吉羅不犯者不故
往道由中過不犯

百六十
一事竟

佛在舍衛國介時偷蘭難陀比丘尼兩道中
間生癰即喚白衣解看還繫是中
有比丘尼少欲知足行頭陀聞是事心不喜種種因緣
呵責言云何名比丘尼屏處有瘡令白衣解看
還繫種種因緣呵已向佛廣說佛以是事集
二部僧知而故問偷蘭難陀比丘尼汝實作
是事不荅言實作世尊佛以種種因緣呵責

云何名比丘尼屏處有瘡使白衣解看還繫
種種因緣呵已語諸比丘以十利故與比丘
尼結戒從今是戒應如是說若比丘尼有瘡
使白衣解繫者波夜提瘡有三種一者癰瘡
等自生二者物傷三者中風堅癖癖有三種
冷癖熱癖風癖若比丘尼自能繫不能解應
自繫令他解若自能解應自解不能繫令他
繫是中犯者若比丘尼令白衣繫而不解波
逸提若令解不繫波逸提隨得繫解隨得波

逸提

百六十
二事竟

佛在舍衛國舍時脩閣陀比丘居年少端正
與鬱多羅長者兒相識共事是比丘居共行

坐起言語說俗事是中。有比丘尼少欲知足。行頭陀聞是事。心不喜。種種因緣呵責言云。何名比丘尼共男子行說俗事。種種因緣呵已。向佛廣說佛以是事。集二部僧知而故問。脩闍陁比丘尼汝實作是事。不荅言實作世尊佛以種種因緣呵責云。何名比丘尼與男

子共行說俗事。種種因緣呵已。語諸比丘以十利。故與比丘尼結戒。從今是戒。應如是說。若比丘尼與男子共行說俗事。波逸提。波逸提者。燒煮覆障。若不悔過。能障礙道。是中犯者。若比丘尼與男子共行說俗事。波逸提。隨共行說俗事。隨得波逸提。

佛在王舍城介時助調達比丘尼以好香揩
身復以塗香胡麻屑胡麻滓揩身是中有比
丘尼少欲知足行頭陀聞是事心不喜種種
因緣呵責言云何名比丘尼以香揩身以塗
香胡麻屑胡麻滓揩身種種因緣呵已向佛
廣說佛以是事集二部僧知而故問助調達
比丘尼汝實作是事不荅言實作世尊佛以
種種因緣呵責云何名比丘尼以塗香胡麻
屑胡麻滓揩身種種因緣呵已語諸比丘以
十利故與比丘尼結戒從今是戒應如是說
若比丘尼以塗香胡麻屑胡麻滓揩身波逸
提波逸提者燒煮覆障若不悔過能障礙道

是中犯者若比丘尼以香揩身波逸提若以
塗香胡麻屑胡麻滓揩身皆波逸提隨用揩
身隨得波逸提

百六十
四事竟

佛在王舍城介時助調達比丘尼不自以香
塗身使式又摩尼沙弥尼以香塗身復以香
揩身胡麻屑胡麻滓揩身是中比丘尼少
欲知足行頭陀聞是事心不喜種種因緣呵
責云何名比丘尼使式又摩尼沙弥尼以香
塗身復以香揩身胡麻屑胡麻滓揩身種種
因緣呵已向佛廣說佛以是事集二部僧知
而故問助調達比丘尼汝實作是事不荅言
實作世尊佛以種種因緣呵責云何名比丘

居士使式叉摩居士沙弥居士白衣女以香塗身復
以香揩身胡麻屑胡麻滓揩身種種因緣呵
已語諸比丘以十利故與比丘居士結戒從今
是戒應如是說若比丘居士使人以香塗身復
以香揩身胡麻屑胡麻滓揩身波逸提波逸
提者燒煮覆障若不悔過能障礙道是中犯
者若比丘居士使人以香揩身波逸提若使人
以香塗身波逸提胡麻屑胡麻滓揩身皆波
逸提隨使人揩隨得波逸提

百六十
五事竟

佛在舍衛國舍時偷蘭難陀比丘尼著頭光
在姪女門中立諸婆羅門居士來欲近之即
以脚蹴蹋作是言汝欲共我作姪欲耶諸居

士呵責言諸比丘尼自言善好有功德著頭
光在姪女門中立見諸人來近以脚蹴蹋是
中有比丘尼少欲知足行頭陀聞是事心不
喜向佛廣說佛以是事集二部僧知而故問
偷蘭難陀比丘尼汝實作是事不荅言實作
世尊佛以種種因緣呵責言云何名比丘尼
著頭光在姪女門中立種種呵已語諸比丘
以十利故與比丘尼結戒從今是戒應如是
說若比丘尼著頭光波逸提波逸提者燒煮
覆障若不悔過能障礙道是中犯者若比丘
尼著頭光波逸提若突吉羅若治故光突
吉羅若與他著突吉羅

佛在王舍城。爾時助調達比丘尼有六式。又
摩尼年少端正可愛。欲受大戒。有弊惡人見
生貪著心。作是念。比丘尼爲王所守護。不得
強奪。諸比丘尼法應從比丘受大戒。若是式
又摩尼出受戒時。我當提取將去。是式又摩
尼出受大戒。是弊惡人強捉將去。是中有比
丘尼少欲知足。行頭陀。聞是事。心不喜。種種
因緣。呵責言云。何名比丘尼不語僧坊中比
丘尼出遠門去。種種因緣。呵已向佛廣說。佛
以是事集二部僧。種種因緣。呵責言云。何名
比丘尼不語僧坊中比丘尼出遠門去。種種
呵已語。諸比丘以十利故。與比丘尼結戒。從

今是戒應如是說若比丘尼不語餘比丘尼
出遠門去彼逸提波逸提者燒煮覆障若不
悔過能障礙道是中犯者若比丘尼從比丘
尼僧坊中不語餘比丘尼出遠門去彼逸提
隨不語出門隨得波逸提百六十七事竟
佛在王舍城今時助調達比丘尼以刷刷頭

諸居士呵責言諸比丘尼自言善好有功德
以刷刷頭如白衣女是中有比丘尼少欲知
足行頭陀聞是事心不喜向佛廣說佛以是
事集二部僧知而故問助調達比丘尼汝實
作是事不荅言實作世尊佛以種種因緣呵
責云何名比丘尼以刷刷頭種種因緣呵已

語諸比丘以十利故與比丘尼結戒從今是
戒應如是說若比丘尼以刷刷頭波逸提波
逸提者燒煮覆障若不悔過能障礙道是中
犯者若比丘尼以刷刷頭波逸提隨刷隨得
波逸提

百六十
八事竟

佛在王舍城爾時助調達比丘尼使他刷頭諸
居士呵責言善女汝等出家何用刷頭為是中
有比丘尼少欲知足行頭陁聞是事心不喜
種種因緣呵責云何名比丘尼使他刷頭種
種訶已向佛廣說佛以是事集二部僧知而
故問助調達比丘尼汝實作是事不荅言實
作也尊佛以種種因緣呵責言云何名比丘

尼使他刷頭種種因緣呵已語諸比丘以十
利故與比丘尼結戒從今是戒應如是說若
比丘尼使他刷頭波逸提波逸提者燒煮覆
障若不悔過能障礙道是中犯者若比丘尼
使他刷頭波逸提隨使他刷頭隨得波逸提
百六十
力事竟

佛在王舍城介時助調達比丘尼以梳梳頭
是中有比丘尼少欲知足行頭陁聞是事心
不喜向佛廣說佛以是事集二部僧知而故
問助調達比丘尼汝實作是事不答言實作
世尊佛以種種因緣呵責云何名比丘尼以
梳梳頭種種因緣呵已語諸比丘以十利故

與比丘尼結戒從今是戒應如是說若比丘
尼以梳梳頭波逸提波逸提者燒煮覆障若
不悔過能障礙道是中犯者若比丘尼以梳
梳頭波逸提隨梳隨得波逸提

百七十
事竟

佛在舍衛國舍時助調達比丘尼使他梳頭
是中有比丘尼少欲知足行頭陀聞是事心
不喜向佛廣說佛以是事集二部僧知而故
問助調達比丘尼汝實作是事不荅言實作
世尊佛以種種因緣呵責云何名比丘尼
使他梳頭種種因緣呵已語諸比丘以十利
故與比丘尼結戒從今是戒應如是說若比
丘尼使他梳頭波逸提波逸提者燒煮覆障

若不悔過能障礙道是中犯者若比丘尼使
他梳頭波逸提隨使他梳頭隨得波逸提七百

十一
事竟

佛在王舍城介時助調達比丘尼編頭髮諸
居士呵責言汝比丘尼出家人何用編頭髮
是中有比丘尼少欲知足行頭隨聞是事心

不喜向佛廣說佛以是事集二部僧知而故
問助調達比丘尼汝實作是事不答言實作
世尊佛以種種因緣呵責云何名比丘尼編
頭髮種種因緣呵已語諸比丘以十利故與
比丘尼結戒從今是戒應如是說若比丘尼
編頭髮波逸提波逸提者燒煮覆障若不悔

過能障礙道是中犯者若比丘尼編頭髮波

逸提隨編隨得波逸提

百七十一
二事竟

佛在王舍城尔時助調達比丘尼使他編頭
髮是中**有比丘尼少欲知足行頭陀聞是事**
心不喜向佛廣說佛以是事集二部僧知而
故問助調達比丘尼汝實作是事不荅言實
作世尊佛以種種因緣呵責言云何名比丘
尼使他編頭髮種種因緣呵已語諸比丘以
十利故與比丘尼結戒從今是戒應如是說
若比丘尼使他編頭髮波逸提者燒
煮覆障若不悔過能障礙道是中犯者若比
丘尼使他編頭髮波逸提隨使他編頭髮隨

得波逸提

百七十三事竟

佛在舍衛國。爾時王園比丘尼精舍門前有好草地淨潔。故多人衆集。是中多有弊惡人見諸比丘尼出入時。便形相說其過罪。共相謂言。是眯眼。是爛眼。是癭。是黑。是白。是好。是醜。是有威德。是無威德。諸比丘尼聞是事。心不喜。作是念。諸人集此者。以是好草。故我等何不壞是草耶。即大小便其上。草即乾死。諸居士呵責言。不吉。弊女更無餘行處耶。淨草中大小便是。中有比丘尼少欲知足。行頭陀。聞是事。心不喜。向佛廣說。佛以是事集二部僧。知而故問諸比丘尼。汝實作是事。不答言。實作世尊。

佛以種種因緣呵責云何名比丘尼生草上
大小便種種因緣呵已語諸比丘以十利故
與比丘尼結戒從今是戒應如是說若比丘
尼生草上大小便波逸提者燒煮覆
障若不悔過能障礙道是中犯者若比丘尼
生草上大小便波逸提隨生草上大小便隨

得波逸提

百七十
四事竟

佛在舍衛國舍時偷蘭難陀比丘尼故出精
是中者比丘尼少欲知足行頭陀聞是事心
不喜種種因緣呵責言云何名比丘尼故出
精種種因緣呵已向佛廣說佛以是事集二
部僧知而故問偷蘭難陀比丘尼汝實作是

事不答言實作世尊佛以種種因緣呵責云
何名比丘尼故出精種種因緣呵已語諸比
丘以十利故與比丘尼結戒從今是戒應如
是說若比丘尼故出精波逸提波逸提者燒
煮覆障若不悔過能障礙道是中犯者若比
丘尼故出精波逸提隨故出精隨得波逸提
佛在舍衛國介時諸比丘尼夢中失精覺已
作是念佛結戒不聽我等故出精今夢中失精
我當云何是事白佛佛以是事集二部僧種
種因緣讚戒讚持戒讚戒讚持戒已語諸比
丘尼從今是戒應如是說若比丘尼故出精
除夢中波逸提

百七十五事竟

佛在舍衛國。尔時迦留陀夷與掘多比丘尼
相識。知舊共語共事。時迦留陀夷二月遊行
他國。掘多比丘尼聞已。心不喜。迦留陀夷二月
遊行。還到舍衛國。掘多比丘尼聞已。洗浴莊
嚴。面目香油塗髮。著輕染衣。到迦留陀夷所。
頭面禮足在前。而坐時。迦留陀夷生染著心。
諦視其面。比丘尼亦生染心。視比丘面。比丘
尼作是念。此視我面。必生染著。我何不在前
起行時。迦留陀夷但著泥洹僧共行來往。欲
心動發。畏犯戒。故不敢相觸。諦相視面。便失
不淨離急。熱已。即還本坐。掘多比丘尼知失
不淨語。迦留陀夷持是衣來。我當與浣。即脫

衣與比丘尼持是衣小却一面換衣取汁分
作二分一分飲之一分著女根中即時有福
德人來受母胎是比丘尼腹漸漸大諸比丘
尼言汝是犯姪欲人驅出僧坊是比丘尼言
我不作姪自說如上因緣諸比丘尼不知云
何以是事向佛廣說佛以是事集二部僧知
而故問是比丘尼汝實作是事不荅言實作
世尊佛語諸比丘尼汝等莫說是比丘尼此
事以如是因緣故得娘佛以種種因緣呵責
云何名比丘尼飲精種種因緣呵已語諸比
丘以十利故與比丘尼結戒從今是戒應如
是說若比丘尼飲精波逸提波逸提者燒煮

覆障若不悔過能障礙道是中犯者若比丘

尼飲男子精波逸提隨飲隨得波逸提

百七十六事竟

佛在王舍城介時助調達比丘尼男子洗處

浴諸居士呵責言諸比丘尼自言善好有功

德在男子洗處浴如姪女是中有比丘尼少

欲知足行頭陀聞是事心不喜向佛廣說佛

以是事集二部僧知而故問助調達比丘尼

汝實作是事不荅言實作世尊佛以種種因

緣呵責言云何名比丘尼在男子洗處浴種

種因緣呵已語諸比丘以十利故與比丘尼

結戒從今是戒應如是說若比丘尼男子洗

處浴波逸提波逸提者燒煮覆障若不悔過

處浴波逸提波逸提者燒煮覆障若不悔過

能障礙道是中犯者若比丘尼男子洗處

浴波逸提隨男子洗處浴隨得波逸提百七十
七事竟

佛在王舍城尔時助調達比丘尼喜門中立

諸居士呵責言諸比丘尼自言善好有功德

在門中立如姪女是中有比丘尼少欲知足

行頭陀聞是事心不喜向佛廣說佛以是事

集二部僧知而故問助調達比丘尼汝實作

是事不荅言實作世尊佛以種種因緣呵責

云何名比丘尼喜門中立種種因緣呵已語

諸比丘以十利故與比丘尼結戒從今是戒

應如是說若比丘尼在門中立波逸提波逸

提者燒煮覆障若不悔過能障礙道是中犯

者若比丘尼在門中立波逸提隨門中立隨

得波逸提

百七十八
波逸提竟

八波羅提提舍尼法

佛在釋氏國。爾時釋摩南請佛及二部僧。明日食佛默然受。知佛默然受已。頭面禮佛足。右遶而去。還家通夜辦種種多美飲食。煮藥草乳汁。早起敷坐處。遣使白佛。食具已辦。唯聖知時。佛及二部僧往入其舍。就座而坐。釋摩南見佛及二部僧坐已。自手行水。自下飯。與藥草乳汁。澆上。爾時助調達比丘尼盛滿鉢。飯以藥草乳汁澆上。著前不食。四向顧視。釋摩南作是念。我當遍看誰少誰不少。誰食誰

不食見助調達比丘尼置鉢在前不食問言
何故不食荅言汝有未煎乳不有者當食荅
言是藥草乳汁美好可食若有未煎乳者當
以相與又問汝有酪生蘇熟蘇油魚肉脯者
我當得食語言藥草乳汁可並食若有酪生
蘇熟蘇油魚肉脯當以相與助調達比丘尼
言汝請佛及僧汝若無力能隨意與者何故
請佛及僧耶若餘人請者當隨意與是熟乳
何處無有釋摩南善好聞是語不瞋餘隨從
釋摩南者瞋言諸比丘尼自言善好有功德
是釋摩南供給衆僧如事大家云何現前呵
辱佛見助調達比丘尼作是事聞諸居士呵

責食後以是事集二部僧種種因緣呵責助
調達比丘尼去何名比丘尼釋摩南供給衆
僧如事大家云何現前呵辱種種因緣呵已
語諸比丘以十利故與比丘尼結戒從今是
戒應如是說若比丘尼無病自爲索乳是比
丘尼應詣比丘尼前說是事作是言諸善女
我墮可呵法不隨順道可悔過我今悔過是
名初波羅提提舍尼法是中犯者若比丘尼
無病自爲索乳得者波羅提提舍尼不得者
突吉羅爲病是索得者不犯若從親里索若先
請若不索自與不犯一事竟酪生蘇熟蘇油
魚肉脯亦如是是名八波羅提提舍尼法不共

戒都竟共戒如比丘由廣說

比丘尼八敬法

比丘尼布薩日到寺中隨意請一比丘受教
誡法比丘尼僧要當自和合僧差一比丘尼
來受教誡要須伴共來到已頭面禮教誡比
丘足問訊應如是語比丘尼僧和合頭面禮
和合比丘僧足乞半月教誡法所勅教誡法
我當受持比丘應語比丘尼言釋迦牟尼佛
多陀阿伽度阿羅呵三藐三佛隨知者見者
是比丘尼說半月八敬法何等八一者百歲
比丘尼見新受具戒比丘應一心謙敬禮足二
者比丘尼應從比丘僧乞受具戒三者為比丘

尼犯僧殘罪應從二部僧乞半月摩那捶法
四者無比丘住處比丘尼不得安居五者比
丘尼安居竟應從二部僧中自恣求見聞疑
罪六者比丘尼半月從僧受八敬法七者比
丘尼語比丘言聽我問修多羅毗尼阿毗曇
若比丘聽者應問不聽者不得問八者比丘尼
不得說比丘見聞疑罪是爲八一比丘尼受
是八敬法布薩日應白比丘尼僧中說是八
敬法布薩竟至明日是先受八敬法比丘尼應
還來禮是教誡比丘足比丘尼僧和合頭面
禮和合比丘僧足比丘尼僧和合布薩竟次
說比丘法僧和合說戒時是教誡比丘尼比

丘若聞說戒比丘言僧今和合先作何事是
受教誡比丘尼比丘應至上座所偏袒右肩
胡跪合掌比丘尼僧和合頭面禮和合比丘
僧足乞半月教誡法所勅教誡法我當都受
上座應語和合比丘尼僧不須作教誡羯磨
是比丘還語比丘尼衆僧語汝和合比丘尼
僧教誡比丘尼羯磨佛已捨凡教誡比丘尼
比丘不得出界外若出界外得突吉羅

十誦律卷第四十六

以

摸音莫又啗上於禁反癖必亦屑先節

滓側史蹴上秋刷所劣編音掘心

